

興國縣志卷之十

田賦

張尚瑛曰天下供漕之省七江西居其一焉贛寧兩邑其餘十邑不與供漕名爲水國而實山鄉比於山東之登萊以折色通地之窮也折色爲夏稅而設地無漕運則秋糧歸弁於夏稅中有銀無米而民俗輸官反曰大糧存結粟之美名誌急公之義云爾興俗不知有畝止知田所出之租租所供之糧官册相沿治從俗便於是有以糧計畝者復有以畝計糧者有以畝計銀者有以糧計銀者以畝計糧則



曰每畝該糧若干以糧計畝則曰每石糧該積畝若干以畝計銀則曰每畝田該完銀若干以糧計銀則曰每石糧該折銀若干紛紜錯揉總不出原額之數縣官實徵冊載糧而不載田以對民也造報奏銷冊載田而不載糧以應上也上下兩歧徵解各別民間貿易買田賃耕亦有以糧計租以租計田糧之不同炫惑耳目其以四十石租準一石糧則起於順治丙申黃令之麟詳請乃定按之賦役全書猶多參錯者以乙未梓板在前也縣堂碑刻萬歷壬午丈定之額與賦役全書順治乙未之額無加損者則壤一成而

不變也田有上中下三則最上者卑田漸高則漸下山國以得水而饒也田之外入正賦者又有塘與地地糧在下則之下塘糧居上則之上塘畜魚地則雜藝芴葛諸藍之屬不入正賦者有商稅契稅落地稅茶紙牛牙諸雜稅縣官者徵正雜之數并本色徵歸於折色而分解本色與折色物料所派得之數且分支各項所應給之數支數屢裁而派數愈增裁者司計之成額也增者採買之新規也會典通志全書具在山陬蕞爾薈萃叢殘筦窺難辨要以現在奉行當官冊籍爲準

孔興浙曰興邑山深谷邃絕少平原求方里之地可
畫一井者十不得一二焉且近邑之田水低土高得
雨常豐六鄉之田土卑水冷雨多常歉兼以山溪暴
流時苦衝決此一歲之中豐歉所由各異也賦出於
田租以供賦掌田者歲照常額輸賦不敢少緩而佃
田者則以歲之豐歉交租無增有減此又一歲之中
賦租所由各異也

按志林田賦序論於興國土俗娓娓言之而田產數
目則以當官冊籍爲準孔志田糧戶役亦止據現在
奉行之冊茲特博採郡縣舊志分爲田糧戶田屯田

附以倉儲考之於古準之於今似於志乘體裁更有
合焉

田糧

宋元無考

明洪武二十四年官民田地山塘二千一百頃七十九
畝二分

成化十八年官民田地山塘共二千八百七十八頃七
十九畝九分

宏治五年官民田地山塘二千八百六十八頃七十六
畝九分

萬歷九年知縣易道源清丈過田二千七百六十頃七十三畝地一百九頃八十七畝四分六釐五毫塘六十八頃三十二畝二分官民田地塘共二千九百三十八頃九十二畝六分六釐五毫

夏稅鈔二百八十錠三貫十九文

秋糧米一萬三千一百四十八石四斗八升一合六勺農桑絲十劬十四兩五錢

里甲編銀二千一百九十六兩八錢一分三釐一毫

均徭編銀二千一百七十四兩七錢三分五釐

驛傳編銀一千六兩一錢四分五釐

兵民編銀三千二百九兩二錢

商稅課鈔八百一十六錠二百三十八文契稅課鈔九

十三錠二百五十三文酒醋課鈔一百六十五錠七百

二十文茶引油課鈔十錠三貫二百文歲辦茶課鈔二

錠一貫八百四十文門攤茶課鈔一錠四貫文門攤課

鈔九百一十六錠二百八十文魚課鈔二十七錠一貫

四百八十文工本紙鈔一錠一貫文官房租稅四錠七

十六文學院地課鈔五錠九百六十文僧道地租鈔四

錠四貫一百六十文戶口錢鈔二萬二千九百九十九

貫五百文

帶征鹽鈔起運存留各銀三十五兩九錢九分五釐三毫

按明制田地山塘之外如四差編銀課程帶征之類名色不同舊志一切刪之殆謂前明之制與代俱往可不錄也然通志通典兢兢於往代之制後人猶疑其疎略至馬氏文獻通考出讀者始無遺憾會謂一邑之事止以目前奉行之冊籍爲據舊章往牒均可廢棄不論耶我

國家厚民之生恤民之力未嘗不監於前代爰彙錄如右俾稽古者考焉

國朝田地塘原額

- 一則上田七百二十七頃三十一畝一分五釐七毫
- 二則中田九百三十頃三十畝七分五毫六絲
- 三則下田一千一百三頃一十一畝一分三釐七毫四絲

一則地一百九頃八十七畝四分六釐五毫

一則塘六十八頃三十二畝二分

以上原額官民田地塘共二千九百三十八頃九

十二畝六分六釐五毫

各派徵
不等

見在成熟田地山塘實數

一則上田同原額

原荒一百四十一頃三十九畝八分二釐節年開報足額

二則中田同原額

原荒一百六十六頃五十六畝四分三釐九毫節年開報足額

三則下田一千零六十三頃三十七畝五分五釐五毫五絲五纖

原荒八百二十八頃四十五畝五分三釐九毫四絲又開除被水沖田一頃五畝六分七釐節年開

墾七百八十九頃七十七畝六分二釐七毫五絲

五織仍荒三十九頃七十三畝五分八釐一毫八

絲九忽九微五纖

一則地一百一十一頃二十六畝一分八釐八毫二絲

原荒七十九頃七十二畝七分六釐八毫節年開報足額又額外新生地一頃三十八畝七分二釐

三毫二絲

一則塘同原額

原荒三頃三十七畝二分九釐四毫節年開報足

額

一則官山三十一頃一十三畝一分九釐

以上現在成熟田地山塘共二千九百三十一頃七十畝九分九釐六毫三絲五纖

見在徵銀實數

一則上田每畝徵銀七分四釐三毫七絲四忽九微一纖

二則中田每畝徵銀七分一釐四毫一絲七忽

三則下田每畝徵銀六分八釐三毫二絲一忽五微三纖

一則地每畝徵銀六分二釐七毫八絲八忽一微六纖

一則官山每畝徵銀七毫五絲六忽四微二纖

一則填每畝徵銀八分一釐五毫九絲二忽六微二纖

以上田地山塘見在實徵共銀二萬五百七十六兩八錢九分七釐九毫四絲并帶征丁銀二千一百八十五兩四分六釐通共銀二萬二千七百六十一兩九錢四分三釐九毫四絲

又應徵田產下增本折物料加價銀六十兩一錢一分

五釐按地丁二項銀派徵

又應徵丁地增匠班正脚銀三十八兩一錢三釐按地丁二

項銀派徵

田地塘按畝徵糧數

一則上田每畝科正耗米四升六合九勺三抄一撮

五粟三粒

二則中田每畝科米減上田一合八勺六抄七撮零

三則下田每畝科米減上田三合八勺二抄二撮零

一則地每畝科米三升九合六勺零

一則塘每畝科米五升一合四勺八抄五撮四圭八

粟

以上科米俱改折徵銀

田地塘完種積畝數

一則上田積二十一畝三分八毫為糧一石

二則中田積二十二畝一分九釐為糧一石

三則下田積二十三畝一分二釐七毫為糧一石

一則地積二十五畝二分四釐為糧一石

一則塘積一十九畝四分二釐三毫為糧一石

以上每石折徵銀一兩五錢九分三釐

商稅額徵

雜辦商稅課鈔正脚銀一百一兩二釐

雜稅額徵

落地稅銀四十八兩四錢

牛稅銀八兩

牙稅銀二十九兩

當稅銀二十兩

鐵稅銀一百五十四兩八錢

濠稅銀八兩

官地稅銀一兩五錢

田房稅契

無定額儘
收儘解

按徽水志林載興邑額徵商稅每年一百一兩零雜稅九十一兩零向例取諸往來商販甲寅寇亂不能取辦議令下水穀船每船納銀一錢行之二十年間左以爲病康熙三十年士民呂大夏等呈前任金令應隆詳請上臺奉巡撫都院宋批興國縣額徵稅銀載在全書應於商稅課鈔項下徵解何得於搬運米穀之內濫徵害民仰贛州府行縣永禁取具印摹報查此後敢再濫徵立即揭報嚴叅繳司道遞批勒石永禁止碑東門外嗣後贛府穀買兩稅裁革之令亦權輿於此附錄之俾後末者有所考

又按下水穀船固無納稅之例而開張穀行尤於地方情事不宜嘉慶二十二年蕭有鳳曾具呈請領牙帖代商糶糴已經前令批准旋因合邑公議與國向無穀行若聽開設未免病民蕭有鳳一聞此議抑私從公即將牙帖繳銷嗣後永遠不得復議開設穀行假借名目致滋弊端附識於此俾後人共知遵守

支解各款

- 一解布政司地丁銀二萬一千五百六十三兩六錢
- 正遇閏加銀一百八十八兩四錢六分二釐
- 一解本府本折物料各項銀一百一十兩一錢七分

八釐甲丁二庫本色物料銀二兩二錢九分起進折色物料正墊脚銀一百七兩八錢八分八釐

- 一解糧道淺船銀一十七兩四錢四分

- 一解布政司地丁脚耗銀一百三十四兩三分二釐
- 遇閏加銀七分四釐

- 一裁解驛站項下遞夫工食銀四十三兩二錢差馬工料銀五十七兩六錢馬夫工食銀一十兩八錢共銀一百一十一兩六錢
- 遇閏加銀九兩三錢

- 以上共應解銀二萬一千九百三十六兩八錢五分
- 一分一釐遇閏增解一百八十九兩八錢三分六釐
- 一支本縣知縣俸銀四十五兩

一支門子二名工食銀一十一兩八錢

一支皂隸一十三名工食銀七十六兩七錢

一支馬快八名工食銀四十七兩二錢

一支民壯一十五名工食并置備器械銀一百一十

八兩五錢

一支看監禁卒八名工食銀四十七兩二錢

一支仵作二名學習仵作二名工食銀一十七兩七

錢

一支輜傘扇夫七名工食銀四十一兩三錢

一支庫子四名工食銀二十三兩六錢

一支斗級四名工食銀二十三兩六錢

一支本縣典史俸銀三十一兩五錢二分

一支門子一名工食銀六兩

一支皂隸四名工食銀二十四兩

一支馬夫一名丁食銀六兩

一支本縣儒學教諭訓導俸銀各四十兩

一支齋夫三名工食銀三十六兩

一支門斗二名工食銀一十四兩四錢

一支本縣衣錦司巡檢俸銀三十一兩五錢二分

一支皂隸二名工食銀一十二兩

一支弓兵一十二名工食銀二十一兩六錢遇閏加銀一兩

錢八

一支

文廟朔望香燭銀一兩八錢遇閏加銀一錢五分

一支春秋祭祀銀八十六兩七錢五分五釐八絲

文廟祭銀四十一兩二錢四分四釐四毫崇聖祠祭銀六兩名宦鄉賢二祠各祭銀二兩一錢一分三毫

四絲忠義節孝二祠各祭銀二兩社稷壇祭銀八兩山川風雲雷雨城隍壇祭銀八兩邑厲壇祭銀十兩

八錢二程祠祭銀一兩三錢五分六釐陽明祠祭銀一兩六錢三分四釐宋文信國祠祭銀一兩五錢

一支備祭 關帝品儀銀四十兩

一支備祭 文昌帝君品儀銀二十六兩

一支縣學廩生二十名餼糧銀四十兩遇閏加銀三兩三錢三分

釐

一支歲貢酒禮銀二兩五錢

一支春冬鄉飲酒禮銀七兩三錢五分

一支孤貧一十三名糧布銀四十六兩八錢遇閏加銀三兩

錢九

一支舖司兵七名工食銀三十七兩八錢遇閏加銀三兩一錢

分五

一支改編吹鼓手四名工食銀一十九兩六錢六分

六釐七毫遇閏加銀一兩六錢六分六釐四毫

興國縣志 卷之十一
以上應支銀一千二十四兩三錢一分二釐遇閏
添支一十三兩九錢九分九釐四毫

戶口

宋元無攷

明洪武二十四年戶一萬四千一百五十三口五萬六千三百七十一

成化八年戶軍民雜共五千八十二口男婦共一萬六千九百八十

嘉靖元年戶軍民雜共六千一百三十口男婦共二萬三千一百三十九

萬歷十年戶軍民雜共六千一百六十六口男婦共二萬六千八百三十四

四十年戶軍民雜共四千九百五十六口男婦共二萬五千三百一十六

自萬歷四十年至崇禎戶遞減至四千四百一十四口遞減至男女一萬四千九百二十五

國朝人丁婦女原額

人丁八千四百三十五丁

優免人丁二百八十六丁

婦女六千一百八十四口

即款册
食鹽課

共男婦一萬四千九百五丁口明末至

國初舊冊相沿順治十一年二月間 題

准豁除逃亡人丁四千二十九丁

逃亡優免丁一百二十九丁

逃亡婦女三千一百七十二口

實在舊額人丁四千四百六丁

優免丁一百五十七丁

婦女三千一十二口

共男婦七千五百七十五丁口

康熙元年起至四十五年止歷收編審共新增人丁四

千二十九丁

食鹽課二千一百六十六口

以上舊額新增共人丁八千四百三十五丁

優免丁一百五十七丁

食鹽課五千一百七十八口

見在實編丁口共一萬三千七百七十一口

康熙四十五年以前

人丁每丁徵銀一錢七分一釐九毫四絲三忽三微

六纖六沙

優免丁每丁除本身差徭銀一錢五釐七毫八絲九

忽九微二纖六沙實徵銀六分六釐一毫五絲九忽

四微四織

食鹽課每口徵銀四釐八毫八絲五忽五微一織

見在當差人丁四千七百五十六丁

優免人丁二百八十六丁

食鹽課三千三百五十五口於雍正五年奉文均攤

糧內帶徵丁銀二千一百八十六兩二錢六分六釐

七毫一絲

又於康熙五十二年欽奉

恩詔以五十年丁定為常額續生人丁永不加賦

自康熙五十五年起至乾隆三十六年各屆編審新

收除抵補開除外實共

盛世滋生人丁二千四百七十三丁

食鹽課三百三十五口俱遵

恩詔永不加賦

其婦女於乾隆十一年人丁於三十七年元後奉文停止編審

屯田

按屯田起於明洪武中度諸道膏腴田土分予衛士

使各屯種以自食其力與國屯田三萬三千畝歲納

子粒三萬三千石屯軍一千一百人至明之中葉敝

壞已極見於薛雲綬海忠介盧寧蔡鍾有之議者詳

矣

國朝康熙四十一年知縣張尚瑗復申明絕戶屯田應歸民業嗣是歷屆編審均附於戶口田產之後今以見行徵解冊籍為定於往制從略誠以屯政利弊有海薛諸議在可無更述也

見在成熟田一百七十頃九十五畝九分三釐七毫一

絲一忽每畝科子粒米二升應徵子粒米三千四百一十九石四

升七合每石折銀四錢應徵正折銀一千三百六十七兩六錢

一分八釐每石加增銀一錢應徵加增銀三百四十一兩九錢

五釐

餘田一十八頃八十六畝三分三釐每畝徵餘糧銀四分一釐六毫六絲

四徵四織應徵餘糧銀七十八兩五錢八分五釐

共徵屯糧銀一千七百八十八兩一錢八釐解督

糧道

贛州衛屯丁原坐編贛縣應徵丁銀於雍正五年奉文

攤派通省屯糧內均勻帶徵興國屯糧項下實應帶徵

屯丁銀四十八兩九錢九分五釐遇閏帶徵閏銀八錢六分九釐仍俟五年

將陸減各數照例均攤

以上解布政司

倉儲附

張尚瑗曰郡縣遍立常平倉起於康熙庚午奉

諭號召納粟俊秀就地捐輸隨所入以爲儲峙責成有司興國輸穀至十萬三千餘石金令應龍以虧額隕命馬中丞如龍旣清其逋著令定貯一萬二千前此有預備倉之名所存無幾歸并其中行以平準均輸之法貴出賤入斂散盈縮人事也天道應焉不權其所弊則官之殃因之以爲利則民之蠹謹筭鑄飭蓋藏凜凜乎無一日之釋予負也已

常平倉貯額穀一萬二千石分天地元黃宇宙洪豐日月盈照辰宿列張寒來暑往秋收冬藏字號二十四版每版貯穀五百石

按興國營兵米向係寧都州徵收本色運赴贛州府倉放給乾隆三十年奉文就近碾動常平倉穀支放其寧都解贛兵米准征折色每米一石折銀一兩三錢解赴巡道衙門飭知具領買補倉穀嘉慶十九年奉文每石折銀二兩仍前碾動倉穀領銀買補道光四年三月知縣陸以濟稟請酌改碾放兵米章程免動常平倉穀奉 府憲李批興國營兵米應歸在任之員墊項市買赴道庫領銀還欸毋許以碾放兵米爲辭混行動用常平倉穀

社倉原額貯穀八石五斗雍正年間官民捐輸穀二千

五十石孔志雍正二年至九年共貯社倉穀一乾隆二

十二年官民捐輸穀二千六百七十九石三十年社長

副捐輸穀三十石自乾隆五年起每穀一石行息加一

內除三升為社長副紙筆及耗費至三十七年共得息

穀三千五百八十七石五斗九升九合二勺併原捐共

儲本息穀八千三百五十五石九升九合二勺內除乾

隆十五年孔志是年存本息穀三千奉文耀賣息穀二

千八百七十八石二斗二升三合一勺價銀解司充公

又除三十二年奉文建造社倉總倉動支息穀九百三

十三石七斗八升一合五勺又除製備斛斗二十一副

動支息穀二十九石七升七合實存社穀四千五百一

十四石一升七合六勺分貯城鄉遵奉嘉慶四年

上諭社倉穀石仍聽民間自行經理不必官吏經手年

終仍照向例將出入收貯數目結報

一西關隙地總倉二間貯穀二百二十一石二斗二

升二合八勺

一北關隙地總倉二間貯穀二百一十五石三斗九

升一合三勺

一清德鄉塘石總倉二間貯穀三百九石四斗五升

一清德鄉殷富總倉一間貯穀二百三十五石一斗

七升

一清德鄉龍坪總倉一間貯穀一百七十石一斗二

升

一儒林鄉惲院總倉一間貯穀二百二十四石七斗

九升

一儒林鄉凌源總倉二間貯穀二百三十八石

一大足鄉桐塘口總倉一間貯穀一百五十六石四

斗八升八合

一大足鄉均村總倉一間貯穀一百三十七石二斗

一大足鄉壩南總倉一間貯穀一百五十七石一斗

五升

一太平鄉高多總倉二間貯穀二百五十三石六斗

一升二合

一太平鄉方太總倉一間貯穀二百二十三石三斗

一太平鄉崇賢總倉一間貯穀二百一十石九斗七

升

一寶城鄉白石總倉二間貯穀一百五十三石一斗

五升

一寶城鄉城岡總倉一間貯穀一百五十三石一斗

五升

- 一衣錦鄉齊村總倉一間貯穀一百七十五石九斗二升六合
- 一衣錦鄉落團總倉一間貯穀一百七十五石九斗二升六合
- 一衣錦鄉江口總倉二間貯穀三百二十三石九斗
- 一衣錦鄉閭團都總倉一間貯穀一百五十九石八斗一升七合三勺
- 一衣錦鄉衣錦寨總倉二間貯穀三百八石七斗八升五合二勺

按以上穀石悉聽社正社副出陳易新不經官吏之

手誠善法也然或荒歉太甚所貯之穀不敷賑賑則社倉之法又窮往時興邑紳士有減價平糶以佐社倉所不逮者如乾隆十七年壬申則有謝堯珠劉高魁謝尊一鍾春卉劉正傳同弟自申李讓三王可俊王可伸曾良高同姪二十三年戊寅則有謝麗文傅如曾蕭兼善三十年乙酉則有謝仙宇彭建松鍾鼎茂凌賢偉是年謝堯珠曾良高仍減價平糶焉四十五年庚子則有鍾世葵同姪廣章廣言廣永劉富組劉富綿劉貴仕劉侶郊楊正滋王禹珍五十一年丙午王允迎劉輔廷外劉正傳同弟自申復減價平糶

五十二年丁未王允迎鍾世葵廣章廣言廣永復減
價平糶六十年乙卯則有呂雲鵬鍾名亨鍾遠元黃
恭熙黃敬熙劉榮膺謝恩與是年王允迎劉輔廷又
減價平糶皆經前令給匾旌獎嘉慶十四年己巳則
有郭邦安王榮燦謝英賢鍾廣度鍾廣庶鍾玉採鍾
玉振鍾朝陽鍾興旺徐學儼王聲亮謝天瑞是年黃
恭熙敬熙復減價平糶其餘已見善行傳及助穀不
多未邀旌獎者甚衆茲特紀其尤卓著者非徒不沒
其善亦所以示勸也

又按常平關係一邑社穀澤及一鄉皆田賦中民事

也邑衣錦鄉瑕水有監生江中魴者置義田二百九
石贍族長子瀾續捐田二百六十四石共計義田四
百七十三石歲輸賦銀十九兩四錢九分二釐每年
祭祀畢於五月初一日將義倉租穀按本族丁口給
散道光三年八月呈縣存案是固例得載志者也茲
並附於田賦後庶幾效惟正之供者知一邑之水旱
宜備焉比閭之緩急宜恤焉同族之恩誼宜篤焉

又按興邑常平倉穀前因歷任挪碾兵米未經買補
道光四年知縣陸以濟會集生員鍾人驄監生鍾登
士李載全職員黃顯猷黃贊猷廩生蕭學錦郭正炳

生員謝鶴翔鍾元秀劉益能李飛鳴監生歐陽彬黃中琴等首勸採買共相經理酌定章程詳明 府憲李批准立案永不挪碾兵米紳士等恐積久弊生九月十八日復以懇請申詳杜碾兵米以垂久遠等情呈稟 府憲奉批查各縣常平倉穀原以備地方不時之需今興國縣常平倉穀石因歷任碾動兵米未經買補設遇水旱偏災將何接濟該生等呈請首勸採買具見明達大義殊堪嘉尚但須妥爲辦理不得曠日持久至各花戶中如有急公仗義情願捐輸者俟上倉之後按數目之多寡聽候分別獎勵至嗣後倉穀禁止毋許碾發兵米各情係爲慎重倉儲杜絕虧挪之漸亦俟上倉後詳明 大憲立案并候先行出示曉諭批准在卷因再誌於此

興國縣志卷之十一

風俗

興國昔號劇盛民習剛悍挾氣尚鬪

郭知章記

人物伉健大概去南漸近得天地之陽氣不可以刑威

懼而可以禮義動

文天祥記

地界深山長谷民鮮商販惟務農力產以田多寡爲優劣舊家崇尚朱子家禮好積古器重譜牒志銘孀婦多守節士夫重禮義

宏治前舊志

興國爲三程過化之地其流風善俗猶有存者閭閻樸實非達官貴人不衣羅綺舊家嫁娶糜費頗多款媒之

濫反過納幣蓋士大夫當任其責云

舊志
總論

輿俗市少帛肆途絕遊婦鄉紳以公事至邑署徒步無輿馬親戚訐訟恥爲居間有司短長絕口不道子孫樂繩祖宗之美雖廢墜必爲重修不以讓人皆風俗之厚而前志所未及者也

舊志
論

輿俗無所紛華衣安布素民務稼穡有蟋蟀葛屨之遺風但因裝奩之難至於溺女停喪擇吉置親瓦屋中而奇者又以割股廬墓爲至孝亦未知學之故也轉而道之端有賴於主持世教者

祭志
祭志

按溺女之俗今已漸少至款媒濫費則久不聞有此

風矣惟女家置備粧奩縫工之值取辦於男家臨期需索頗多齟齬甚且因而失歡近時亦有女家自給工費不令苛索喜錢者迎娶之日衆皆忻然士大夫若共矯其弊固無不可轉移之理 古者冠而字與俗男子將娶父命以字或師或父之執友爲作字說勉以訓辭冠禮雖不行猶存餼羊之意女子之笄則於將嫁時行之俗謂之上頭 停喪不葬多緣惑於風水年月之說近亦羣知其非惟婦人初死及將出殯必徧告外家男女蠶擁而至人數衆多賢否不一索帛索酒食索輿夫犒賞藉端滋擾習爲當然有夫

家實貧而苛責飾終強令厚葬者雖素好之親戚一
遇死喪或成嫌怨是宜恪遵喪禮以維持之興邑
重追遠聚族而居者必建祠堂祀始遷祖及支祖每
祠必置產以供祭祀名曰公堂衆舉一二人司其出
入子姓登科第入鄉校者則給以花紅銀赴試亦助
其資斧或歲分穀若干石以贍之然經理得人則祀
事有常諸費不缺偶遇歉收或司事者侵漁負欠輒
起訟端甚至連年停祭頗失尊祖敬宗收族之初意
又所祭多高曾以上而祖父之祭每以無公產故不
舉行揆之古者廟祧山近及遠之義未能悉合境

內山川清秀奇材美質及篤志嗜學之士所在多有
顧地居僻壤家鮮藏書文義稍通又多倚教讀資生
見聞未免寡陋近頗有購求古籍遊學遠方深得師
友簡編之益者由此互相切劘風氣蒸蒸日上矣

興俗勤於稼穡產穀頗饒然小民不善治生戶鮮蓋
藏穀賤則出糶所餘或不能自贍一遇儉歲轉運出
境者絡繹不絕而強橫之徒乘機滋事地方更受其
害又生齒日繁游手者衆郡志所謂一浮口輒費數
農之食者尤爲良民之蠹正木制用之道司風化者
所當亟爲講求也婦人無蠶桑之職惟事績苧而

織布須另僱工匠竭終歲之勞不能衣其夫子女紅刺繡必慧而勤者乃爲之否則中饋之餘多聚坐閒談論者謂宜稍變舊俗教令紡棉花兼學機杼云新歲拜年自親族外雖一面之識悉躬造其家無僅以過門投柬應故事者繼而彼此招飲曰新年酒睦姻之風藹然古意染肉以紅麪殺饌雜進必首紅肉凡喜筵及宴會亦皆用之以爲吉慶 清明上墓以先期爲敬盃飯盃酒隻雞方肉徧供祖先墳塋雖儉陋不盡中禮而地無論遠近必到家無論貧富皆然報本返始之思出自天性謂墓祭爲不見於經者亦

苛論矣 二十四節氣惟立夏日家家宴飲必醉飽乃已所食多醃肉醃魚醃蛋之屬聞故老言舊俗儉樸冬間醃藏此類以待賓客不時之需過夏入霉則不可復留故於是日盡取食之遂相沿以爲令節自九月朔至初九日相傳以爲九皇星君下降之期家各焚香致敬不知始自何時而合邑素食九日可免殺無數生靈亦保全惻隱節制口腹之一端或謂其同於拜斗則非也然前期必啖肉食曰封齋重陽後又特以開齋故恣意烹宰殊爲可哂 端午中秋歲除爲一年三大節風俗與他處多同家人團聚飲

興國縣志 卷十一
食必俟長幼畢集人衆則連几合饌無別食者除日
尤重名曰團年 平時賓客偶至必呼酒留飲佐以
果盒曰把盞酒不過三四行果祇瓜子之類物雖薄
而禮意特殷瓠葉之詩古風猶可想見 把盞之後
繼以搗茶搗茶葉爲末加芝蔴油鹽及薑瀹而羹之
陳列果品再三勸進女客至尤尚此農工力作午間
亦設以相勞皆習俗之近厚者志林譏其口之於味
固與人殊殆素未經見不免詫而異之耳

興國縣志卷之十二

土產

按物產視土所宜必其異於他邑而爲此邦所獨有
與其良且多者乃得書故舊志一切從略而不得議
其疎今稍爲推廣凡本邑特切民用及爲他邑所利
賴者皆書之或時節先後形色稱謂有與他邑不同
者亦書之又或昔無而今有昔槩而今良者亦分別
書之使樹藝之宜與懋遷之有無因之附見焉

穀類

稻 分龍早亦名芒花早自插秧六十餘日卽熟米粒

長白氣味甘香因所穫甚少耕百畝者僅蔣一二藉以
接新 大葉早亦名猫牙早七十餘日成熟米粒純白
兩頭尖細舂上白米以是爲最 大穀早穀長穗多八
十餘日乃熟亦可舂上白米價比大葉早略低 百日
早九十餘日始成熟禾稼繁殖所穫甚饒得三時之氣
其性中和最益人 麻禾有早水遲水二種穀殼隱隱
有黑斑穎長實滿穫麻禾五石得米可當早穀六石皮
薄米精絕香美早水者更良性忌寒必田之腴當陽而
不涸者始可種 三百粒亦呼馬尾粘穀甚長米色白
一穗得穀在二百內外故名 早糯色白粒圓小四月

蔣六月收釀酒味淡

紅米糯穀長皮薄立秋後收釀

酒味佳種者最多

牛婆糯穀短米軟多屑以作餅

大糯至冬乃收穀殼有毛色白如霜長三四分得金之
氣多釀酒尤甘美 粘禾亦名香禾粒白而長甘芬柔

滑與百日早並收不堪釀酒臘月中取以造飯用槐花
水和之春爛作餅名曰槐餅俗呼黃元度歲以相饋贖
出衣錦鄉者良 八月粘穀小米紅最堅硬白露後收
造紅麴用

粟 榦長而節稀者爲高粱粟榦短而五穗形如雞爪
者爲雞爪粟粒圓大團聚而生者爲包粟可蒸食亦可

春粉作菜餅

麥 有大小二種皮厚麪少不及北地 蕎麥卽莧麥

一曰烏麥俗呼花麥立秋前後下種霜降後收實有三

稜可磨粉作湯餅

豆 有黃黑青赤各種大小不一刈禾後田半種豆秋

霖則多實經霜乃枯十月收 田塍豆與蔣禾時同植

塍畔結實若石蓮一本可穫升餘黑光黝然又有茶花

色者味尤香美 綠豆形微小可作粉亦可發芽爲菜

飯豆小豆之白者也本名白豆粥飯皆可拌食 豇

豆開花結莢必兩兩並垂豆子微曲如人腎形本草謂

豆爲腎穀者宜以此當之乃豆中之上品 扁豆一名

沿籬豆俗呼眉豆形色不一嫩時可作蔬入藥以白扁

豆爲最 刀豆微似皂莢扁如劍脊有三稜嫩時煮食

醬製蜜煎鹽漬俱佳 雪豆冬種春收質圓色白煮食

最甘美 蠶豆與雪豆同時收種皮粗實大

胡麻 卽脂麻一名巨勝有黑白赤三種取油白者良

服食入藥黑者良

蔬類

筍 種類不一有大筍卽苗竹筍有苦筍卽苦竹筍有

甜筍卽笙竹筍其最美者曰冬筍亦苗竹筍也東觀漢

記謂之苞筍冬月未出土時掘取之味勝春筍此筍得十月小陽春之氣不掘取亦不能成竹

菘 一名小黃芽俗呼白菜經霜後莖葉柔軟脆美無滓堪與北地黃芽爭勝

芥 俗呼大菜秋下種冬春皆可食取芥心置沸湯中令半熟名辣菜和莖葉暴乾漬以鹽名醃菜煮極熟再暴再蒸爲乾醃菜亦曰霽乾菜可久收不壞其菜頭大如杵俗呼菜腦味尤美收子搗爲芥末可調品味

韭 一種而久生故謂之韭歲三四割其根不傷至冬埋培先春復生其美在黃黃乃未出土者

葱 有二種莖葉尖小者四季皆茂俗呼四季葱氣味最佳長大者爲木葱稍遜

芹菜 有水旱二種興皆旱芹必擇沃壤種之鬱然叢蔚莖稍瘦不及大江濱澗之肥白而芳馨過之

莧菜 有赤白紫三種忌與鼈同食馬齒莧別爲一種葉圓而尖又名瓜仁菜

蕘菜 遯齋閱覽曰本生東夷古倫國番船以蕘盛之故名有水旱二種與無水蕘皆種於園土綠地蔓生莖肥大而脆美者曰藤蕘味最佳其種子而先出者莖稍短爲子蕘味亦不及

菠菱 種出頗陵國訛爲菠菱味甘滑久食令人脚弱
若蓬 葉厚而柔微有小毒晒之難乾取其莖燒灰淋
汁洗白衣色瑩如玉

葵菜 土名蕪菜性冷味柔滑吳人謂之滑腸草

壓香菜 葉莖與薄荷相似氣味清香辛辣能寬胸散
寒切碎以配饘品外科用以散毒

芸薹 卽油菜此菜易起臺采其臺則分枝更多子可

榨油

蘿蔔 卽萊菔性能消食制麪毒長短大小各視土宜

別有一種色紅而長細名紅蘿蔔不甚充蔬多晒乾作

果

薑 說文云禦濕之菜也初生嫩者其尖微紫名曰紫

薑或作子薑宿根謂之老薑

茄 有數種紫色居多秋後食多損目

豆角 有青紅白三種苗葉皆類蛾眉豆青者長二尺

餘紅白者肥而短肉稍薄

蒲子 本草作壺盧釋名瓠瓜古人壺瓠匏三者通稱

今俗以首尾如一者爲瓠圓大而形扁者爲蒲腹圓而

長柄者爲水蒲亦曰瓠蒲名色各異而性則同別有一

種苦瓠不堪食只可爲瓢

絲瓜 葉如蜀葵老則筋絲羅織如蔴績之亂而無緒故土人呼爲亂績亦曰爛績滌器最佳連皮燒灰存性研末沙糖調水服可治痘瘡

冬瓜 一名地芝經霜後皮白如霜以其冬熟故名

南瓜 種出南番故俗呼番蒲皮上有稜不可生食

芳瓜 張騫得種西域故名胡瓜隋避諱改名黃瓜長尺許有瘡癩如疣因呼爲芳瓜俗誤以月令王瓜生卽此不知王瓜乃土瓜也

苦瓜 一名錦荔枝味苦本草以爲有清心明目之功

越瓜 俗名梢瓜一名菜瓜種出越中充蔬作果皆宜

蕨 山菜也莖嫩可食掘根搗汁澄以作粉亦可禦饑

久食令人目暗鼻塞髮落小兒食之脚軟不能行

芋 一名蹲鴟種類甚多大約不過水旱二種旱芋山

地可種水芋水田可蒔惟香芋味尤美

諸 有紫白二種形扁而大重至數斤削去皮煎食煮

食皆美

番薯 種出交趾亦有紅白二種生熟皆可食刷汁濾

去渣滓可作粉生切暴乾各番薯片剝碎收儲各番薯

米冬春之月和米蒸煮可代五穀農家禦饑多恃此故

輿俗遍地種之

蘭 蘭花爲江淮所重壅以火土沃以池水置半陰半陽處噓風暄日雅含幽趣春月時發一二枝夏秋花盛香氣獨清灌溉得宜冬亦開或發蕊吐香 素心蘭純白如玉七八月盛開香清而遠 甌蘭一名報春蘭花黃綠色瓣有紫紋多產幽叢邃壑中一莖一花每值冬盡春初與梅萼齊放芳馥異常 紅蘭生於盧公山每經野燒葉盡去而花始發香甚烈唐人詩幾年春雨長紅蘭或此種也花微頰俗名火燒蘭 賽蘭一名珍珠蘭花小如金粟香特濃俗呼米碎蘭 洗手蘭本非蘭種無花以其葉著手甚香氣味似蘭故名洗手蘭

梅 十二月花大放遲則正月亦有十月十一月卽開者各處栽之居人多利其實若紅梅綠萼等祇供盆玩不結實 臘梅本非梅類以其色似黃臘與梅同時花而香又相近故名

桂 有秋花者有四季花者惟丹桂獨重香甚清烈

菊 種類甚繁黃者居多白次之餘則間見惟白者食之最清心明目

海棠 種亦不一花蕊俱紅者名貼梗海棠鮮艷能久開澆之以酒色愈艷故又呼醉海棠結實如木瓜者名

木瓜海棠淡紅色者爲西府海棠純白清潔一望如玉者爲白海棠然此種不多見

茶花 冬月開花至次年二月方謝花瓣大紅心黃色攢聚如珠者名寶珠茶白瓣者名白洋茶紅白半者名五色茶深紅單瓣者名山茶

荷花 爾雅曰荷芙蓉其花菡萏其實蓮其根藕羣芳譜曰一名水芙蓉興邑荷花雖少而藕特佳

木芙蓉 葉大如桐次第開謝耐寒而不落故又名拒霜其花葉根皮可治一切癰疽惡疾或生搗或乾研末和蜜塗腫處四圍空頂乾則頻換無論初起已成已穿

靡不速效或加生赤小豆末尤妙

石榴花 單瓣者著實秋末紅熟皮開露子鮮潤甘甜又一種名火石榴不結實花紅重瓣望之如火如荼

薔薇 一名刺紅花顏色不一惟瓣單而白者最香其花一開七朶故又呼爲七姊妹

金鳳 一名鳳仙花又名好女兒四月開花頭翅羽足俱翹然如鳳至秋末結實纍纍如櫻桃醫家用其子以催生立效俗呼金珠花婦女常取以染指甲

木槿 有紅白二種皆可采以充蔬白者尤清肺熱取其根磨淡酒可止臍風

芭蕉 株高丈餘望之如樹澗江書院多植之茂葉濃
陰映窓拂檻有綠雲深院之致

美人蕉 株葉與芭蕉相似而差短小萼似萱花丹黃
鮮妍花時有彩蝶來棲花謝乃去

鳳尾蕉 一名麒麟蕉一名辟火蕉株皮如老松鱗甲
遍體葉似鳳尾花從中抽初起如毬漸高若累塔細瓣
玲瓏分房結實形似牛乳故又名牛乳蕉好以鐵爲糞
將枯以釘釘其根則復生亦異物也凡蕉花皆有瀉火
功可治吐血之症

果類

珍珠李 產竹壩及新溪者良樹高不盈丈二月開白
花結實如彈丸五月熟丹黃纍纍色映朱霞食之津液
甘芳漱潤齒頰別一種名大水李顆略大色青紫酸澁
不堪生食暴乾爲果亦佳

桃 開花多以正月不待仲春結實頗繁小暑熟者曰
早禾桃大暑熟者曰遲禾桃生食不甚佳惟宜曬乾作
果有一種名四兩桃大若茶甌夏至前熟皮肉鮮紅味
甘如蜜生啗絕美爲他邑所無

梨 樹高二三丈花白如雪上巳日無風則梨多實圓
大而皮色青黃者爲後埠梨皮斑赤而味淡者爲石頭

梨皮青味甜而汁少者爲早禾梨長二三寸汁多而味甜者爲枕頭梨俗統謂之張梨按潘岳閒居賦云張公大谷之梨杜詩張梨不外求土語蓋非無木也其最佳者曰雪梨曰秋白梨鮮脆無滓差可與北梨相韻頗實圓小如珍珠李者曰梨槩子皮粗赤味酸酢煮熟方可食其木獨細嫩堅實人多用以刻書

棗 毛詩八月剝棗與邑棗皆以七月成熟大如拇指多食損脾助濕熱

柑 興俗橘橙柚統謂之柑 形圓圍徑大尺餘者曰大柑有紅瓢白瓢二種贛俗謂之橙郡志曰贛果惟柚

最佳俗呼爲橙謬戾已甚按陸佃埤雅云橙柚屬也本草註李時珍曰柚乃柑屬之最大者然則贛俗名橙本之埤雅興俗名大柑本之本草綱目似皆不得謂之謬戾 大如茶甌紅潤香甜以其種得自廣州曰廣柑比廣柑差小皮黃而味亦甜以其種得自袁州曰袁州柑亦曰黃柑或曰廣柑黃柑皆橘也然羅願云柑之甘在瓢本草綱目橘註引孔安國云小曰橘大曰柚皆爲柑也興俗以橘爲柑不爲無據 皮紅而瓢酸不可食但作玩具者曰朱柑按韓彥直橘譜云朱柑類洞庭而大色絕嫣紅其味酸人不重之殆卽此種 四季開花隨

花結實者曰公領孫亦柑屬也味澀不堪食霜降後滿樹鮮紅耀目足稱佳玩

金柑 樹高三四尺枝幹多刺四季相續結實如梧桐子大惟秋更盛十月始黃落可以生啖可以蜜製點茶最清

香櫟 俗呼香橙形如小瓜兩頭銳皮金黃色氣極芳馥盛之几案可作清玩製以糖蜜可稱佳果又一種形似香櫟上皺銳而下圓平俗名蜜橘去瓢切片糖曬作果亦甚香美

林禽 經霜後味特甜林有是果則衆禽來集故亦名

來禽

蒟薺 卽爾雅鳧茨種淺水田中一莖直上無枝葉冬初結實大如楂栗外紫裏白甘而有漿能化銅爲水去目翳明潤者味尤美

山楂 能消積滯然多食令人嘈煩易饑且損齒

柿 俗作柿非生食引痰曬乾則益人不可與蟹同食落花生 一名長生果種宜沙土開黃花花落土則結實故名性與玉瓜相反不可同食

甘蔗 多產於縣南各壩經霜後生啗甚甜潤至冬刪刈絞汁煎爲紅糖亦名沙糖

木類

松 興土最宜松凡山皆種之性堅者堪任棟樑裏疎及多油者祇供爨薪又一種柏葉松身理疎而少節其材尤良俗呼爲杉松其實乃檜也

杉 有赤白二種赤杉實而多油白杉虛而乾燥山居人多種之食其利者衆其皮可蓋屋

樟 其木理多文章故謂之樟興邑此樹最多有大十圍高數尋者四時不凋多用以解片造船

榕 榕畏寒樟畏暑城西三檀寺古榕二株蟠拏糾結頗稱異物河岸所植惟灘上一木最大邑人呼其地爲

榕樹下

楓 一名香楓樹甚高大枝幹修聳木堅而細膩秋葉丹紅可愛冬實落人多拾而燒之以收濕氣

桐 種類甚多可作油者乃岡桐也樹小不能速長實大而圓中或二子或四子肉白味甘不可食食之令人嘔吐

蠟 卽女貞也四時青葱白蠟從此孕毓而成土人不諳種蠟術惟鋸斷焚爐鼎名曰蠟香

漆 葉似椿花似槐五六月間葉端苞而不茁則孕漆矣斧斫根節間承以蚌殼夜垂乳如豆向曉卽闕越三

宿取一週太數則乳不吐也至九月而止暴以烈日盛以木甕土美者二十年一易其地用以漆器居廣漆之上。

棕 本名櫟欄榦直無枝葉圓大如車輪萃於樹杪下有皮重疊裹之每一匝爲一節種之者歲割其皮以爲利不割則糾纏反不能長爲篋爲繩爲簞笠其用甚廣烏相 一名鴟相以烏鴟喜食其子而名也采子壓油燃燈極明與邑多取以澆燭

竹類

方竹 產於靈山蒼翠秀潔爲此君之異品

扁竹 生蓮花山之五門洞相傳謝肇微時芻牧於此以指壓竹其節遂扁今其地生竹節節皆扁蓋遺跡云苗竹 竹之榦最大者寶城鄉竹管洞因多苗竹得名東村亦產苗竹居民編垣蓋屋窓櫺戶樞及一切器物無不於竹是賴且以鬻之他境人工少而利廣者莫如

苗竹

黃竹 節長尺餘質柔薄取以作器價甚廉

筍竹 鮮碧光潤性最堅破絲織器滑澤可愛

斑竹 文彩斐然點似湘竹多取以織簾作器玩亦雅

緻

苦竹 隨處野生成叢有青紫白數種

觀音竹 一名鳳尾竹高尺餘細嫩蕭疎可供盆玩

箬竹 葉可造籩笠端午用之裹粽

藥類

何首烏 蔓生花黃白其根小者如拳大者如盃有赤

白二種夜則藤交一名交藤山谷中常掘得之

金銀花 凌冬不凋亦名忍冬三四月開花長瓣垂鬚

黃白相半而藤左纏又名左纏藤爲散熱解毒之要藥

莖葉及花功用皆同

菖蒲 石磧生者名石菖蒲葉有劔脊瘦根密節溪澗

生者名水菖蒲葉較長根亦略大入藥以石菖蒲一寸

九節者爲良

石斛 生石上股短中實光澤如金釵者名金釵石斛

邑中所產藥品惟此最勝

骨碎補 寄生樹石上主補傷折故名俗呼爲胡孫薑

象形也

紫蘇 性舒暢行氣和血散寒開鬱故謂之蘇曰紫者

別於白蘇也取嫩莖葉以鹽醋醃食之最能開胃

香薷 方莖細葉香烈逼人性辛散夏月解表之藥

香附 卽莎草根根有鬚鬚下結子轉相延生子上有

細黑毛采得燎去毛暴乾用名香附子處處有之

夏枯草 秉純陽之氣夏至後即枯乃治癩癧之要藥

穀精草 穀田餘氣所生故曰穀精治目中翳膜最效

威靈仙 李時珍曰威言其性猛也靈仙言其功神也

去諸風通十二經脉

白頭翁 山谷及田野處處有之可治熱毒血痢

土茯苓 有赤白二種入藥白者良病瘡毒人煎湯代

茶最妙

百合 味甘美潤肺止嗽他邑多用之為菜與國祇以

入藥

枸杞 莖榦高三五尺六七月生小紅紫花隨結紅實

根名地骨皮子有生精明目之功皮有去下焦肝腎虛

熱之功

梔子 花皆六出采實曝乾炒黑用能瀉肺火清胃腕

之血俗呼黃梔子多用以染物

蓖麻 性善收亦善走能通諸竅榨油可作印色及油

紙

五加皮 李時珍曰此藥以五葉交加者良故名五加

剝皮陰乾漬以酒療風濕痿痺壯筋骨本草又名追風

使

金毛狗脊 根長多岐狀如狗脊而外有黃毛土人采根收存入藥用其毛以療金鐵傷

蟬退 本名蟬蛻李時珍曰蟬乃土木餘氣所化飲風吸露其氣清虛故主療一切風熱證

夜明砂 卽蝙蝠矢也食蚊砂卽蚊眼故治目疾

羽類

布穀 卽鳴鳩一曰郭公俗呼催工

雀 棲檐瓦中故曰瓦雀俗以色斑駁為麻故又曰麻雀

鴿 與無野鴿羣飛於外者皆人家所畜羽毛不過青

白皂斑數色

雞 徐鉉曰雞者稽也能稽時也故家居必畜之噉則

易肥而無毒鄰境來購者甚多遠及閩汀雄雞僅留一

二以司晨而已

鴨 本名鶩一名家鳧取其卵嫗以熟穀晝夜迭換暖

氣醞釀二旬餘卽成鴨雛有專業之以獲利者又一種

冠幘鮮紅重至五六筋名曰鳧鴨鄉人亦偶畜之

鳧 野鴨也俗呼水鴨比家鴨差小肥而耐寒宜為臍

毛類

牛 有榛牛水牛二種榛牛毛色不一俗總謂之黃牛

畜之有功於人者莫如牛與邑產牛頗繁利及鄰壤乃用其力而復食其肉不可不嚴爲之禁

羊 種類甚多與產皆山羊重不過三四十觔不若西北之肥美

豬 畜之者十家而九豢養之法初生一二月飼以米粥三四月後則煮碎米糠糟豆渣飼之無祇令齧草不沾米氣者故興邑豬肉甚肥美

猴 白虎通云猴者候也見人設食伏機則憑高四望善於候者也巖穴中時時有之靈山尤多

狐 形似黃狗鼻尖尾大每出竊人家雞土人呼爲白

尾狗皮亦可爲裘但不如產北方者之毛深色純耳

鱗介類

魚 鮠鱮鱣皆池塘所畜種出九江自吉安販致謂之魚苗有專以畜魚爲業者寒暖饑飽各有節候稍或失時則魚不能長他如鯉鮎鰕鱖之類皆爲雜魚聽其自生自育於水濱焉

鯽 亦池塘所畜形圓而肉厚者名荷包鯽魚味極美春月始有他邑絕少此種

鼈 俗呼腳魚所在之處必有浮沫謂之鼈潭捕者以此爲驗陳藏器曰凡鼈之三足者赤足者獨目者頭足

不縮者目四陷者腹下有王字十字蛇文者在山上者
並有毒殺人不可食

金石類

鐵 產寶城衣錦鄉等處業爐冶者獲利甚厚然興邑
自有鐵廠而山巒之頽敗水道之淤塞貽害田疇正復
不少今已罷去一廠而其一尚存

紅石 各處俱有惟產瀧下水者最佳丹崖爛然石工
椎鑿砢礪早夜不息贛諸邑暨吉臨數郡垣堞塔礎柱
表碑碣無不賴其用質稍不如青石之堅潤江右之石
則稱斯爲良

白石 出梅窖其白如雪鐫寸以外字甚佳刻畫稍細
則易剝裂

食貨類

油 茶油一曰木油興邑山阜多種茶子其樹木堅而
葉厚青翠茂密凌冬不凋十一月開花瓣白心黃花謝
結子含苞孕實將一週歲始拾子剖仁榨油色味甘香
清潔故又曰清油專入食饌膏髮亦佳吳人購之入玫
瑰素馨蘭桂諸香爲香油興地所產甲於他邑商賈收
販終歲不絕若茶不結實則爲歉歲 菜油卽菜子
所榨者罕入食品惟用以點燈 桐油不可食亦不宜

燈以飾器物清潤膠粘視楚蜀所產尤勝 麻油入饌最香美然所出不多

茶 山地恆有之然多粗劣惟縣東新溪遍地皆茶樹穀雨前采取細嫩清芳差可與巖茶比美

酒 與邑造酒以草藥爲麴名曰酒藥亦曰酒餅市肆所沽最上者爲冬酒次則狀元紅次日土老酒又次日冬釀曰雙料卽水酒也家釀之美者每以酒爲水而加釀合古人酸酒之法加至三四酸藏至五六年則粘如膠如漆甘如飴非欸上賓及至親密友不輕用珠粉 用晚稻米之最佳者取其精英去其渣滓稍經

日曬篩粉成顆有珠圓玉潤之致和羹人饌似薏仁贛郡諸邑不能有也饋遺多取給於衣錦鄉之山寮村

粉乾 亦用稻米之最佳者爲之磨漿澄淨榨粉如絲人釜中煮過卷疊成箔烈日暴乾久貯不壞用時再煮人饌作點心皆宜他處雖有之而滑白柔韌以出自興邑者爲尤勝

烟草 一名淡巴菰種出日本明季始入內地興邑種烟甚廣以縣北五里亭所產爲最秋後吉郡商販踵至利視稼圃反厚或謂妨五穀宜禁或謂小民生計所繫不必禁前人之論詳矣

靛 本草名藍澱俗作靛冬月采藍葉浸水一宿入石
灰攪至千回澄淨去水則成澱用以緇染攪時浮沫掠
出陰乾謂之澱花卽青黛也邑產除油烟外藍利頗饒
夏布 績苧絲織之成布曰夏布土俗呼爲春布一機
長至十餘丈短者亦八九丈衣錦鄉寶城鄉各墟市皆
賣夏布夏秋間每值集期土人及四方商賈雲集交易
其精者潔白細密建寧福生遠不及焉

葛布 粗細不等出前坑者佳緝績甚精價亦最昂
蓆 剖草曝乾織以爲蓆色青暗不及蘇蓆之密緻故
謂之曰粗蓆

紙 出竹管洞等處潔白細嫩者曰竹紙白而長大者
曰連四紙粗厚者曰草紙質韌而色黯者曰綿紙皆常
用所需 以絹紙糊爲摺疊扇生柿油塗之曰油紙扇
價廉而適於用市之者衆有轉販至他省郡者故附載
於土產之末

興國縣志卷之十三

兵衛

宋制諸縣巡徼有弓兵率召募以充之元設諸寨爲巡檢司取之徭戶每歲一更明洪武二年立贛州衛於府城興國原設屯田三萬三千畝屯軍一千一百人隸贛衛又於險隘處所設巡檢司以司稽察通府凡十三司而興國居其二一設迴龍一設衣錦每司弓兵一百人其後遞減至二十五人屯衛之外復立民兵萬戶府於府城民兵者卽機兵弓兵二者是已機兵係初設時之名色弓兵係正統以後之召募興國原編一千一百名

成化間減編止九百名分番守會昌長沙營每季二百二十五名以義官一人率之兵苦更代正德間都御史王守仁檄縣精選得五百五十二名歸衛團操逐季限一百三十八名內百長二人總甲五人率之本縣巡捕官不時操演有警聽用隆慶間裁減四百二十三名止存一百三十名每兵編工食衣甲器械銀六兩二錢萬歷初編贛院募兵銀若干兩又撥給府兵工食皆在其申每兵工食止四兩八錢至四十六年遼左用兵部議機兵工食十扣其五以充遼餉於是各兵皆退歸農後又奏部文大縣止機兵五十名小縣止機兵三十名而

防禦之道已非其故矣至崇禎末年於衣錦鄉三峰營設把總官一員官兵二百人此一時權宜非經久之定制也

國朝順治丙戌大兵克贛丁亥設總鎮府於贛州興國尚未立營戊子煙兵據興國己丑十月南贛標副將鮑虎領兵收服始留官兵一百一員名更番駐防甲午奉部文以鎮標前營移駐興國後復撤回康熙四年復以前營移駐遊擊守備各一員千總二員把總四員官兵一千八員名七年改前營爲興國營裁去官兵五百四名止存其半守備千總各一員把總二員十九年奉文

移豐城臨江兩營官兵共五百名駐防崖石寨不久仍
撤二十一年及三十四年兩次奉裁實存官兵二百九
十名雍正九年奉文專營守備改爲都司僉書酌定防
汛兵丁一百二十八名存城兵丁一百六十二名乾隆
元年添設外委把總一員八年改額糧實存兵丁二百
五十九名三十二年裁把總一員移撥臨江營樟樹汛
裁兵八十名以四十名駐贛州城守營四十名駐萬安
營四十七年補復二十名尋裁二十名撥隸撫標現在
都司一員千總一員把總一員外委一員兵丁一百七
十九名內馬兵十六名步兵三十一名守兵一百三十

二名

按明制衛所而外有弓兵以射名機兵以火器名捕
兵以捕賊名隘兵以守隘名皆民兵也今則弓兵隸
巡檢司職同快皂機兵改爲民壯隸於縣專司護守
城署倉庫其馬步戰守之士編伍而聽令者悉寄專
閫然而時裁時撥著籍靡常審時度地具有精意謹
列其奉文先後如右凡駐防軍裝俸餉之有定額者
俱照現制備錄於後

駐防定額

存城千總一員兵丁一百一十六名

崖石汛分防把總一員兵丁十五名

赤墘汛兵丁五名

觀音坳兵丁五名

東村汛兵丁五名

營前汛兵丁五名

南村峒兵丁五名

以上俱屬崖石汛把總轄

均村汛分防外委一員兵丁八名

長徑口汛兵丁五名

楓邊汛兵丁五名

以上俱屬均村汛外委轄

石窖塘汛兵丁五名

屬存城下總轄

軍裝器械定額

操防戰馬一十七匹 鐵盔花甲一十七副 鐵盔

素甲二十九副 鐵盔棉甲一百副 號帽號褂一

百四十五副 號帽滾衣戰腰套袴各二十四副

夾帳房二十一架 中軍帳一頂 涼篷一頂 大

小帥字旗二面 大旗六面 什長旗三十面 先

鋒旗十面 督陣紅旗八面 五色號令旗五面

尖角令旗一面 尖角招旗一面 大鼓一面 烏

鎗一百二十四桿 母子砲一位子砲五個 過山

烏砲一位 班鳩砲一位 趙公鞭砲一位 籐牌

二十四面 牌刀二十四口 雙手帶刀十把 挑

刀二把 腰刀一百四十五口 自備腰刀一百七

十口 馬鎗四桿 長鎗十桿 自備弓四十六張

自備硬弓八張 官弁自備戰箭四百四十枝

預備戰箭二千四百一十枝 自備把箭二百四十

七枝 自備大鉞把箭七十五枝 箭櫃二個 火

藥二千八百六十觔一兩四錢 鉛觔一千九百五

十六觔二兩四錢 火繩一千一百二十盤 鐵鋸

二百九十四個 鐵鋤鐵斧鐮刀各二十一把 銅

鑼鍋二十一口 撒袋四十六副 海螺二個 裝

藥皮葫蘆三十個 盛貯火藥木桶十一個

外盈餘項下紅衣砲四位 現存城垣防禦 行營砲三位 一堪

用二貯縣庫 大小鐵彈四百個

俸餉定額

都司俸薪馬乾共銀一百九十三兩三錢養廉銀二

百六十兩

千總俸薪馬乾共銀七十三兩二錢養廉銀一百二

十兩

把總俸薪馬乾共銀六十一兩三錢二分養廉銀九

十兩

外委額支馬兵餉一分銀三十六兩六錢養廉銀十八兩

馬步戰守兵共額支餉銀二千六百六十一兩七錢
以上每歲額支俸薪養廉兵餉銀在藩庫支領二次
贛關撥領二次其馬步戰守三項兵目每名大建月
支米三斗小建月支米二斗九升在興國縣署支領

隘所附

按興國界連七邑昔嘗為盜寇出沒之區郡縣舊志
載隘所詳畧互異今參互考證有志乘所遺而見於
他書者亦採錄其說庶為民保障者知設險之義思

患預防得磐石苞桑之至計焉

龍子隘在興教里

省志作龍子橋隘○郡志龍子埂隘在縣東東通江背洞西通長信

風車扭隘在衣錦鄉

郡志蓮花山頂為風車扭

螃蠏藪隘在衣錦鄉

郡志蓮花山有螃蠏藪

梅窖隘在衣錦鄉

省志在六十三都○方輿紀要云路由此突入最為要害○郡志云梅窖隘舊有三峰營西

南通營前東北通雩都青塘按青塘在雩都縣東北一百八十里在寧都州西四十里宋紹興三年岳飛收洞寇功成後以其地界寧都興國為三邑之衝因置寨於此明立巡司專革知青塘為諸邑之衝則愈知梅窖之為要害矣

南村洞隘在衣錦鄉

省志在郎國都○郡志南村洞隘北通寧都黃陂南通江口

大嶺山隘在衣錦鄉

油口洞隘在衣錦鄉省志作泊洞隘在曹溪上下

槎園岡隘在清德鄉省志在藍田西按藍田西今屬太平鄉

龍沙廟前隘在水西里省志在雲溪團

峽田隘在水西里

該上坪隘在儒林鄉省志舊志俱作垓頭坪隘

荷樹陂隘在大足鄉省志在屋山下

企嶺垌隘在大足鄉省志在雲山里

花橋隘在寶城鄉省志在藍田西

迴龍寨隘在寶城鄉

壕頭隘在寶城鄉省志在方心下里

方石嶺隘在太平鄉郡志方石嶺隘東北通廬陵富田西南通崇賢

楊梅逕隘在太平鄉省志在方太上

按以上十八隘所並見孔志 黃志有儒林鄉之墟

下隘省志作清德鄉長安外里凡十九所 省志距縣北二十里

有鄒公寨宋鄒嶧與文丞相屯兵於此有衣錦寨隘

清德鄉惠化東中下里有溫陂埠頭隘獲相上下里

謝志衣錦鄉有獲廂上下有劉坑隘清德鄉長安外里有墟下隘

衣錦鄉雲相里有寨上隘閭團都有岫口隘寶城鄉

方山里有瓦子隘南雲下堡有豐邊隘徐平隘共二

十五所而無風車扭隘螃蠏隘大嶺山隘 謝郡

志衣錦鄉有劉坑隘寨上隘而分油洞隘岫口洞隘
爲二清德鄉有溫陂埠頭隘儒林鄉有墟下隘凡二
十所而無風車扭隘螃蟹隘大嶺山隘 張郡志
有麒麟垵隘在大足鄉西通萬安黃塘東通山坑有
觀音垵隘通崖石砦有楓邊隘北通廬陵東南通白
石并衣錦迴龍崖石蓮花山凡十七處而無垵上隘
荷樹陂隘企嶺垵隘花橋隘壕頭隘楊梅逕隘 方
郡志云縣隘凡二十一所有麒麟垵隘觀音垵隘楓
邊隘餘與孔志同按張志有麒麟垵隘無企嶺垵隘
方志二隘並列蓋重出 天下郡國利病書云興國

縣之東路通寧都有瓦子礮寨上南村洞劉坑梅窰
衣錦寨油洞花橋八隘西通萬安有槎園溫陂埠頭
企嶺三隘南通贛縣有龍沙廟前荷樹陂墟下坡頭
坪龍子四隘北通廬陵有迴龍濠頭方石嶺楊梅逕
四隘所列共十九隘與黃志數目相符而地名微異
今並錄於此以備考

興國縣志卷之十四
 武事
 按興國未置縣以前兵寇始末應兼考嶺縣所紀平
 固未廢之時則晉書武帝紀尚有可考不特建置沿
 革封爵官師之見於史傳已也孔志疑文信國開府
 事不當列之兵寇更覺拘泥今於起義之兵及平寇
 之兵統名武事其事近碎瑣而不可竟刪者則附錄
 舊說或加用按語以存之
 晉武帝太康八年丁未冬十月南康平固縣吏李豐反
 聚眾攻郡縣自號將軍捕討伏誅晉書武帝紀

興國縣志卷之十四

武事

按興國未置縣以前兵寇始末應兼考嶺縣所紀平
 固未廢之時則晉書武帝紀尚有可考不特建置沿
 革封爵官師之見於史傳已也孔志疑文信國開府
 事不當列之兵寇更覺拘泥今於起義之兵及平寇
 之兵統名武事其事近碎瑣而不可竟刪者則附錄
 舊說或加用按語以存之

晉武帝太康八年丁未冬十月南康平固縣吏李豐反

聚眾攻郡縣自號將軍捕討伏誅晉書武帝紀

宋紹興中虔州興國縣周十隆錢響謝小鬼等結集賊徒攻破興國雩都虔化瑞金等縣江西安撫使李綱遣州將何榮申討之復興國縣追至贛縣界殺死賊衆五百餘人後統制官李貴入寨招諭其黨悉就撫而十隆不從至十一年始平定

李忠定公奏議贛郡張志

理宗紹定二年己丑九月石城張遇龍文勝反於平固連破石城寧瑞興雩五縣安撫李壽明通判趙彥覃督

兵討平之

贛郡謝志

端宗景炎元年元至元年丙子秋七月文天祥開府南劍

州經畧江西二年丁丑三月取興國縣六月入興國入

月元江西宣慰李恆自將攻天祥於興國天祥不意恆猝至遣兵戰鍾步不利乃引兵就鄒淵於永豐淵兵亦潰天祥至空坑兵盡潰挺身走循州諸將皆被執史

按志林以鄧光薦所作紀年錄於文信國開府興國

一節未能了了特引劉岳申所撰文丞相傳云景炎

二年三月入梅州始與母弟妻子相見進階銀青光

祿大夫四月斬統制錢漢英王福引兵自梅州出江

西入會昌戰雩都大捷因開府興國督謀張抃監軍

趙時賞孟滌盛兵薄贛城下招諭使鄒淵率贛諸縣

兵擣永豐吉水招撫副使黎貴達率吉諸縣兵復泰

和臨洪諸郡豪傑皆納款淮西義士劉源以兵復黃州復壽昌軍潭州張璠張琥撫州何時皆起義兵分寧武寧皆遣使詣軍門受約束福建斬僞天子黃從傳首至督府軍勢大振貴達以正軍千人民兵數千次泰和鍾步張抃趙時質趙孟滌率民兵數萬逼贛馬騎爭先後衝之皆潰自相蹂藉死孟滌收殘兵保寧都府即鄒鳳聚兵數萬於永豐乃引兵就之會鄒兵亦潰元將李恆以大軍乘其弊追及於廬陵東固之方石嶺都統制鞏信駐軍嶺上力戰箭被體不動猶手殺數十人乃自投崖谷死大軍追至空坑同

督府兵潰天祥幾被執值山逕險隘有大石忽墜塞其路乃得脫去既而妻妾子女皆陷惟母曾夫人子道生從天祥奔汀州趙時賞吳文炳林棟劉洙皆就執張抃劉欽爲亂兵所殺天祥趨循州

元成宗元貞二年丙申十月贛州盜劉六十僞立名號聚衆至萬餘勢甚盛江西行省左丞董士選請自往至贛境捕官吏害民者治之進至興國縣去賊巢不百里擇將校分兵守地待命察知激亂之人悉寘於法復誅奸民之爲囊橐者於是民爭出請自効不數日遂擒賊

魁元史董文炳傳

順帝至正十二年壬辰流賊肆掠民居多燬及十八年
戊戌偽漢陳友諒遣將陷贛城禍延興國焚掠殆盡黃志

明憲宗成化八年壬辰草寇李福正聚眾於南村洞同

知章廷圭討平之蔡志

武宗正德五年庚午七月流賊寇城火二日不滅十二

月賊還自萬安經縣通判徐圭擒其副殺之賊遁蔡志

十四年招撫新民擒宸濠回經興國騷擾甚知縣黃泗

以為寇率兵禦之互有殺傷黃志

世宗嘉靖三十六年丁巳五月流賊從寧都來興國寇

龍沙大掠三日間官兵至賊乃去蔡志

四十年辛酉饒平賊張璉作亂閩廣諸巢賊附之夏五

月流入興國自龍沙出梁口萬安及泰和殺汪副使一

申執王叅議應時勢益猖獗還過衣錦長信里温陂等

處焚劫一空新撫陸穩遣安遠令石廩領黃鄉葉槐等

兵禦之擒斬數十人賊敗走出境蔡志

辛酉五月流賊自雩都來縣水東里剽掠從贛縣往萬

安不十日又賊一起自贛縣傑邨經縣北二十里剽掠

過永豐六月初一日又賊一起自雩都來到長逕口初

四日到惠化東中上下都及順義里之温陂鄉民奮禦

自辰至未殺賊頗多賊假退見領兵官率兵坐歇演武

營相去五里不肯向揀遂招號四集放火燒燬廬舍鄉
 兵大潰温陂民被殺者前後二百五十七名被傷男婦
 五十名擄去者二百餘名稻糧牲畜屋宇為之一空賊
 乘勢追至城下機總蕭貴榮登耳城發矢連斃二賊賊
 勢不振乃縱火焚學宮而去自城西至南門外皆為燬
 燼鄉民為立義勇祠蔡志

莊烈帝崇禎五年壬申三月流寇千餘自廣東來掠衣
 錦寶城二鄉殺虜甚慘屯札殷富地方距城二十里關
 廂勇悉力堵禦陣亡數百人賊亦夜遁合邑建義勇

祠黃志

國朝順治元年甲申粵寇閩王總分鈔興國志

張尙瑗曰時闖賊已陷燕京郡縣起民兵為守禦計
 興國煙兵之長曰蕭國忠姚章甫承邑令林演培指
 聚眾數百人屯於白羊坳國忠者文溪武生趨捷善
 騎射章甫壩南姚氏以貴雄兩人為邑中所推蓋五
 六月間事也嗣是贛撫李永茂遣總兵金世任扼白
 羊坳原任修撰劉同升自雩都來演培館之分司署
 中謀聯絡吉贛演培徵督糧課至均村會

大兵破萬安按破萬安在順治二年十月奄至縛去囚於舟中信宿

守者識之曰興國令公也演培詭謂非是曰公毋驚

某故鬻糶者爲人所負訟於公公直之今報德時矣
遂逸演培走至署懷印挈妻孥遞歸閩之莆田時永
茂方招撫閩寇爲所給敗盟於雩都師殲焉寇充斥
數縣衣錦諸村落焚劫無虛日而世任之營於白羊
坳者與副將徐必達百嘉村之營爲聲援必達爲
王師所擊敗世任兵亦潰國忠遂退屯東岳廟章甫屯
瀧下水真君砦壩南民劉霖寰贛三峯營把總王大
勇福建流寓宋朝宗各聚衆數百人皆不逞之徒託
助興復名時剽掠墟里良民苦之

三年丙戌十月

大兵下贛州略定下縣兵至興國獲姚章甫斬之

志林

張尚瑗曰時以柴震龍知縣事諸砦煙兵仍分踞郊
坳邨落知縣教令止行於城中時湖東湖西諸郡縣
蜂起者旋撲旋熾灘嶺間路澀如棘雩寧石城徵解
賦稅赴贛多取道興國或借貯庫中堆積盈羨爲見
聞所覲

五年戊子二月十八日王大勇宋朝宗率衆數千人入

城知縣柴震龍典史武尚仁遇害

志林

張尚瑗曰是年正月金聲桓王得仁反於南昌大勇
等遂入城殺知縣典史擄其家

黃志云柴令一家殉難

縱火焚

縣治延燒民舍累日夜不息恣掠街市贛營將李某號李桿刀領軍來討大勇等戰敗還守其砦

黃志云王大勇

踞長信嚴埠洞宋朝宗踞衣錦鄉江頭劉霖寰踞填南

裨將牛某賀某敗國忠

兵於榜懈藪走入梅窖官兵圍之梅窖在衣錦鄉東

界雩都之青塘塊然培塿廣縱二三百里有石室容千

人門竅紆曲劣容一二人國忠匿其中官兵積薪室

其口煙燄薰逼之復投炬於頂穴通明處數日國忠

死蕭姚煙兵始事者也既皆死眾乃推霖寰為主大

勇朝宗佐之又有張建台福建人大勇標下李魁華

黃正元丁公偉孫可貴朝宗族子宋大登楊三楊四

等分據嚴埠大埠茶嶺蓮花山朱家山諸砦而聲桓

得仁提重兵寇贛攻戰相持者四月官兵還自救不

能討定贛營將李子和討瑞金敗衄餘兵三百人不

敢歸入興國大勇朝宗邀擊之殺略殆盡時兵連四

五載居民皆奔走竄匿農不田作齒骼載路林谷間

虎狼晝行城中惟瓦礫蔓草霖寰大勇僞稱侯伯爵

霖寰開府壩南出入呵殿日以講餉斂貨為事間井

稍居積者輒搜捕拷民益不聊生

六年己丑八月贛撫劉武元以守備李若垠署興國縣

事與副將鮑虎提兵擊宋朝宗於瀧下縛而沉諸水王

興國縣志 卷一四
大勇謀襲城若垠知之伏兵於鳳凰莊大勇遇伏戰敗走匿贛撫招之出降安插居上社旋爲其戚孫可貴所殺部曲復殺可貴餘孽悉平

府志

張尚瑗曰五年十二月金聲桓伏誅六年諸方拒命者漸次掃定劉霖寰聞贛撫已定遣兵計欲降大勇殺霖寰約諸砦拒戰六月贛撫遣守備王某署縣事行次勞田逗留不敢入八月乃更命李若垠以守備署縣事與副將鮑虎提兵二千十六日至興國父老士民迎之入城虎率兵擊朝宗朝宗不能敵請降虎縛而沉諸水虎以不輯兵稍恣搜掠受調歸贛若垠

整飭軍伍召募鄉勇設練總以統率訓練之方略得宜兵民畏服有民婦數十官軍始至所攜重賄以要其家來贖者若垠悉釋還之大勇見朝宗敗退據茶嶺十二月若垠遣兵入鄉勦賊支黨部勒方發大勇探城中空虛卽疾趨窺城若垠先一日知之乃佯遣三百人行仍從他路歸伏於鳳凰莊之松林二十四日大勇至北關教場若垠率千總胥某接戰賊有執白旗者大言曰我爲擒李知縣來若垠出應聲曰我是也射中其腕腕着旗桿不得脫合戰旣酣若垠馬蹶而墜家丁大娃子二娃子鄉勇朱天功掖之起易

馬復戰松林中伏兵出來擊賊乃大敗陣斬數百人
擒數十人盡斬之小南門雙橋下後門內時聞鬼噪
乃堙之不復啟孫可貴者大勇妻弟也通於大勇之
妾大勇怒可貴遂殺大勇部曲爲之報仇殺可貴與
其妾祭大勇若垠搜捕餘孽撫輯殘黎縣得安集
邑人劉天真曰魏際瑞有言生爲穿窬殺掠之行而
死獲取義成仁之譽此人心之不平

國初鄉曲無賴假義兵以縱劫奪尊私怨屠及赤子橫
行邨聚大江以南逮嶺表所在多有第其間有死之
得其正者有死之不足錄而罪不可以未滅者亦願

其正事之心何如耳國忠章甫負乘慢暴比之田橫
之節已降一等至霖寰大勇以下事不成而言亦未
順幸其未及燎原旋受撲滅使充其類可以與楊么
范汝爲之徒荼毒閭井後先相類列之寇虜夫復何
辭予少更喪亂轉徙流移嘗入李公電之幕中親見
其誅鉏方略撫輯焦勞大有造於吾興者以其由守
備官受撫軍委署前志不敢列之令尹正銜弁其聲
績泯焉無紀張侯以史才博識留心故實諮訪而論
次之非惟鄉邦軼事有所稽考而六十餘年以來禦
捍遺澤藉以不朽衰年追憶舊聞庶乎不負故知也

已

十一年甲午賊首曾拱宸會象吾曾玉華劉元谷踞梅
 密太平巖與青塘賊何輝明相聯絡出入不測萬安泰
 和零都等處焚殺擄掠十三年丙申遊擊左雲龍領官
 兵六百六員名於二月二十四日由興國抵梅密遊擊
 洪起元領官兵四百四員名由寧都抵梅密攻圍三月
 不克傷把總熊子輝千總陳子龍官兵死者甚眾巖洞
 內寬外狹洞口僅容一人兵不能入乃日夜就洞口堆
 柴焚燒風旋火煙薰逼賊各奔出繫頸授首獲拱宸解
 郡戮於市

黃志修國器
撫虔奏疏

十七年庚子衣錦鄉賊蕭矮子聚黨數百於龍子選劫
 掠鄉村擄男婦勒銀取贖窮民死刃下者甚多邑令向
 大捷招撫不悛隨請官兵勦除之

黃志

康熙三年甲辰九月內夜更盡有流賊數百焚掠北關
 及驕南武塘擄去孩童數十殺傷男婦百餘人至天曉
 去事聞遣鎮標遊擊吳松領兵襲追至石城之黃竹擒
 殺殆盡

黃志

十三年甲寅五月安插興國屯田之海寇石昭反六月
 贛遊擊吳某統兵勦捕諸屯陰助之不能克千總賈文
 秀典史錢志泗饋軍經江背洞賊尾擊之於塘背文秀

負重創從間道逸歸志泗被殺所從兵隸盡死屯師蔡
璋計誘胎胎至縛送贛鎮伏誅璋以功授江西水師總
兵去八月諸屯舉眾盡反贛總鎮進寶遣千總滿可成
帥師至興與守備李應龍屯弁黃成章同守禦十一日
賊攻南關焚李屋塘民居無孑遺可成與原任守備王
三印率鄉勇共擊之戰於江東祠西門嶺城上發大砲
擊賊賊始退仍踞壩南城被圍十日副將周某來援將
合戰會興國把總李邦祿奉調征龍泉縣賊獲賊旗數
十官兵旗以綠賊以白邦祿歸距城數里令兵皆持賊
白旗涉春口壩賊望之以爲援也邦祿出不意奮擊城

中鼓噪而出夾攻之賊大敗賊首張治朱明乃退據崖
石鯉公鯉婆樟石等寨黃捷先據寶石砦又有乾田黃
泥割牛銅鑼及雩都之雲霄鷓鴣搖藍等凡十三砦聲
勢相援附近隣邑村庄多遭荼毒

志林

按康熙八年己酉

廷議以閩漳海寇投誠講分布安插之政贛興二邑兵
燹流亡荒田獨多

敕遣海澄公標下都督總兵許貞屯田於贛蔡璋屯田
於興次年庚戌春蔡璋率其屬張治朱明石昭黃捷
先黃成章洪微洪宜化等日兵千有餘人扶挈家口

又數倍到縣縣令王璋懼其族聚叵測也請於郡守
孔興訓興訓親至邑履畝按籍授田而析置之軍之
名籍者不自耕召募閩廣流人賃耕旁郡邑賃耕者
來如市或旁侵民田以荒易熟又多攘竊恣睢宄法
事縣令王璋持法不撓蔡璋亦能斂輯和解比四年
邑慙無事十三年甲寅耿精忠以福州叛海上遺孽
鄭經擁眾窺漳泉諸郡屯將皆鄭孽舊部也通聞
間受僞劄付覬秋成聚眾觀變爲亂而昭最無賴剽
悍五月中於陳屋園先發陳屋園者昭所分墾屯處
也治與明墾江背峒眾最盛諸屯皆仰其指使統帥

璋居北門縣令何士奇與士民耆老以義責之令轄
所屬無蠢動且欲藉諸屯兵爲團練以備他寇蓋是
時尚之信亦以廣州叛遣其將嚴某出庾嶺出南康
縣贛總兵劉進寶發兵拒守自帥兵勦賊於龍泉縣
之大白諦興國把總李邦祿亦在調中贛南北匆匆
不能兼顧六月贛遊擊吳某統兵勦昭明舉兵助昭
攻戰十餘日不能下璋以令意諭治等治知令之懾
已也而守備李應龍不輯所部與之有隙故佯諾無
悛心璋又招昭昭至璋所卽縛送贛郡伏誅璋以功
授江西水師總兵移駐南昌張治乃以八月初舉江

背峒衆數千盡反

十四年乙卯冬贛同知顧岱總兵許貞來招降賊許降歸志泗首兵退復完整寨柵剽掠如故

志林

按是年賊擁衆數千攻雩都北門縣令張激嚴守禦不克而退又掠大小禾溪及寧都之尖坑於是西自興國江背峒蓮塘諸村東至寧都之黃陂小埠雩都之青塘賴村平頭寨北至萬安之黃塘永豐之厚層梁村南延興國之賚口沉龍贛縣之曲村田徑皆爲賊迫脇輸租饋餼若統轄然

十五年丙辰萬安浪川峒賊邱興祐剽鈔興國西鄙與

崖石諸砦爲東西聲援賊勢益張巡撫佟國楨遣標官

杜得功等十人入砦諭降皆被殺

志林

按邱興祐演逆韓大任黨也大任寇吉安命據浪川峒峒與均村潛坑隣比時又有謝元寶者據三關三陽寨皆與崖石諸寨相通張治稱僞平湖將軍妻楊氏鎮軍夫人諸賊爲僞總兵以下有差亦有稱外委者

林

十六年丁巳滇逆韓大任走寧都萬安瑞金皆取道興境村民不敢屋居爭竄匿山谷知縣黃惟桂與守備余祥勒兵登陴晝夜戒嚴

志林

十七年戊午秋

詔以尚之孝爲宣義將軍帥師勦崖石知縣黃惟桂招撫寶石樟石二砦賊十二月招撫浪川峒賊單騎詣興

祐定約

志林

按張治旣死朱明欲并所部其衆素聽命楊氏明乃專據崖石楊氏移所部入鯉公砦黃煜者吉安人也爲治僞參軍楊氏信任之惟桂數遣人以利害譬曉煜煜以爲然寶石樟石二砦賊先向惟桂乞就撫惟桂謁撫鎮面陳賊情向背事勢先後宜撫浪川峒以翦大任羽翼巡撫安世鼎總鎮哲爾肯皆然之惟桂

旣與興祐定約大任調興祐出戰遂不聽調

十八年己未二月邱興祐率其部至興國縣受撫楊氏以三月受撫惟朱明據險如故宣義將軍之孝道雲都率中軍都督胡順左右遊擊何奕賈重俊贛總兵許盛撫標遊擊李天柱俱以兵會遊擊張芳守備余祥率先導引爲軍鋒賊迎拒於觀音坳官兵奮擊多所斬獲六月抵崖石督兵仰攻之山嶄絕不可上士卒多死傷隨征永豐千總某遇礮死積炬燒其南砦適暴雨火滅賊復自固乃長圍以困之許盛知賊峙糧在于田寨引兵屠之積貯一空七月賊饑窘請就撫朱明等面縛赴轅

門崖石平

志林

按邱興祐所部撫者七千餘人僞官三十餘人楊氏所部撫者六千餘人僞官總兵會靈以下六十餘人惟桂祥具舟楫護送詣贛以次申送巡撫崖石者文信國開府時使他將營其上峰巒峭絕磴道盤互與朱家山蓮花五門洞螃蟹數蜈蚣山斷續離合綿亘百餘里取徑由樟木山東道爲大路拔地數里巖壁削成仰而攻者矢石碎擊皆糜碎不可前賊踞其內與諸砦聯絡首尾官軍至則依險自固退則四出寇鈔賊聞楊氏受撫之孝兵至贛具牒懇曰知縣不聽

某就撫之孝詰惟桂惟桂日向固言賊情有向背事勢有先後今後者宜第及矣恐背者未必誠向也將軍必欲驗之但遣人諭之一如浪川鯉公之下山歸命則得矣如言往諭則已斂兵把隘之孝遂議進兵惟桂條陳四事曰及天時扼險要斷水源絕糧道又繪山圖以進興國諸生黃大亨者素善鮑夔生夔生歛人在之孝幕中軍事皆諮焉大亨語夔生崖石屬興國由興國至崖石路險棘難行夔生以語之孝故取道雩都而命兩縣令澱惟桂職饋餉贛同知孫公復主軍籍朱明旣窮促就撫所上僞印劄器械與鯉

公諸砦等而兵數倍之散歸鄉井者什之四願附與籍爲農者什之五入軍伍充兵者二十之一時三關賊最弱久乞降之孝怒韓逆嘗竄入其砦欲屠之惟桂力爭俱就撫遂伐山焚林夷坑谷毀壘培禁民毋得依巖以居逾年洪宜化與其黨至興國復欲開屯里人搏而斃之惟桂力請於府置不問事得已邑人呂大夏曰興國處萬山中流遺浮於土著一旦隣方有警不逞之徒乘間竊發阻箐嶂自固雖其人之無良抑亦山川險阻有所憑藉而然也前甲申之變傳會興復猶有所托名而爲之後甲寅寇亂起於

閩廣孽嗣怙恩樂禍直狼子野心之徒耳氛祲相纏毒滂遠近興邑蕞爾支黨潛布機之伏者括必發前後甲己符運適然亦數之最奇者矣黃侯官止一令志在拯救偏隅然其撫浪川則功及萬安策韓逆則籌佐吉贛誠一時偉人哉

王師進討取道雩陽雩令張侯亦在兵間雩人作平寇碑欲掩其功并兩邑疆場亦肯訛舛齊桓公懲荆楚而頌闕宮者歸之魯僖亦奚怪其然哉太史張侯諮訪考覈所據郡縣文移元戎紀功冊歷歷不爽採風者宜以是爲傳信云

按志林敘次前後甲己兵寇始末最為詳備孔志刪節太多又不分年編錄今特釐正如右嗣是氛祲盡息興民永享

太平之福所謂漠然徒見山高而水清豈非

當守者之德威惟畏必期無可紀之武事而後為神武

而不殺也歟

志亦詳敘編詳然其無窮用明以此諸文策詳嚴則
於甲古存張嚴然亦地安景高青矣特對官凡一
事亦詳敘詳與鳥苑爾文當亦詳敘亦詳敘
國朝事歸詳越與臨互疑知世少文知詳

